

revocat, disciplina saltem ecclesiastica compellat. non enim debent aliquid nomine ecclesie possidere, qui non velint in pace colere pacis auctorem; ymmo utilius panis esurienti tollitur, si de cibo securus iusticiam negligat.

5 Item eidem illustri celsitudini supplicare ac eum inducere, ut velit efficere apud prelatos dominii sui, quod omnino veniant vel mittant suos legitimos procuratores plena potestate suffultos ad concilium et convocationem nostram, ex qua et indubie sequi debet unio.

10 Item similiter operari placeat, quod dominus . . etc. mittat suos solempnes oratores ad concilium nostrum cum pleno mandato ad exequendum et proseguendum, si opus fuerit, omnia et singula, que in concilio deliberabuntur. Item operamini, quod universitas studii etc. mittat ad con-
15 cilium nostrum aliquos notabiles viros et magne probitatis nec non zelatores pacis ecclesie et timentes deum.

Item notum sit vobis, ut magnifici domini Florentini tamquam zelatores fidei orthodoxe concesserunt dominis de utroque collegio tam pro mansionem usque ad concilium
20 quam pro concilio et aliis necessariis locum Pisarum, ubi domini utriusque collegii manent de presenti, cum emunitatibus, securitatibus et privilegiis debitis et consuetis tam pro dominis cardinalibus quam pro aliis ad concilium venientibus, et honoraverunt dominos cardinales in eorum
25 recepcione magnifice cum pannis aureis et aliis solempnitatibus plus quam dici potest, licet dominus Gregorius se opposuerit iuxta posse corrumpendo Florentinos cum prelaturis, dignitatibus et beneficiis, que tamen non erant acceptata. Item Florentini fecerunt unam legem, quod do-
30 minus Gregorius non possit in eorum territorio conferre beneficia per privacionem nec transferre nec alio modo nisi vacent per mortem, et indubie speratur quod in totum subtrahant sibi obedienciam, quia vident animum eius totaliter induratum.

35 Item magister Franciscus de Montepoliciano aufugit ab eo et similiter creditur de domino Leonardo de Areciis, et isti sunt secretarii. Item omnes auditores recesserunt ab eo exceptis duobus. Item dominus Symeon de Parasio et dominus Augustinus de Pisis advocati ab eo recesserunt.
40 Item omnes magistri ostiarii portarum secretarum recesserunt et quasi omnes corthezani, adeo quod vadit dominus Gregorius per sanctum Augustinum de Senis solus et non custodiuntur porte. Item de cardinalibus veris nullus est